

MUHER DI 83 AÑA VICTIMA DI ATRACO

ORANJESTAD(AAN)— Ayera mainta tabata tin un caso di atraco cual a tuma lugar na un manera masha repugnante. Tabata na altura di Golden Rock na San Nicolas unda mas o menos un cuarto pasa di 10 mainta cu e dama di inicial M.C. y di 83 aña di edad a bira victima di atraco. E muher anciana a haya un shock door di e atraco brutal aki, y mester a haya tratamento medico na Centro Medico na San Nicolas.

E tabata cana na altura di e ex-Golden Rock Club, y un homber di-

ripiante a ataqué y kita su tas bay cune. E dama a trompeca na momento cu el a ser ataca y a sinti su pia tambe. Cu ambulance y den estado di shock el a ser transporta pa Centro Medico.

Recherche ta investigando e caso aki y ta ser spera cu lo no dura mucho prome cu nan pone man ariba e personahe a-social cu a comete e atraco aki y cu esaki lo haya un castigo hopi fuerte tambe di parti di justicia pa su acto vergonzoso.

INVIERNO TA AZOTA SUR DI MERCA

SAN ANTONIO: Un tempestad di sneeuw, es-un peor den mas di 100 aña a azota parti sur di Merca ayera, especialmente e estado di Texas paralizand trafico tur

caminda.

Na San Antonio a cay den 24 ora mas di 30 cm di sneeuw.

E record bieuw ta di cantidad di sneeuw ta di

Situidi lesa pag. 11

BERDAD NUNCA A PER-
JUDICA NINGUN HENDE
NINGUN CAUSA NI NIN-
GUN NACION

Diario

DI ARUBA

Bo Matutino
Netamente Arubiano

DIALUNA 14 DI JANUARI 1985 AÑA 4, No. 1228

8 PERSONA HERIDA DEN DESGRACIA NA NOORD

ORANJESTAD(AAN)—Ayera madruga tabata tin un desgracia formal cu a tuma lugar na altura di warda di polis na Noord. Aki un chofer cu tabata bao di influencia di alcohol a core mucho na su man robey y a bay dal frontalmente contra un auto cu tabata bini di direccion contrario. Ocho persona a ser herida den e desgracia aki di cualnan cuatro

a keda interna na hospital pa tratamento di e heridanan ricibi den e impacto mas o menos 2 or di madruga.

Un di e chofernan Q.M. di 48 aña a ricibi bastante sla tambe y a ser transporta pa hospital den situacion grave. E tabata bao di influencia di bebida.

PRINS HANCRA Y PANCHE DOBLA LO DIRIGE CARNAVAL



Segun delegacion di Parlamento ANTILLAS TA MARA NA CURAZNO HULANDES

EXIGENCIANAN PA FUTURO GOBERNADOR DI ARUBA A SER DISEÑA

TRAHADORNAN LO DICIDI SI TA CERA ARUBA PALM BEACH HOTEL Segun FTA.